

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die

Jovis decimâ-sexâ Decembris.

M. PHILIPPO DOUTE', Doctore Medico,
Præside.

Pelliturne Sanguis solâ Cordis incitatione ?

I.

OMNE corpus *συνπνῆ ἔσθ' ὁρῶν*, humanum præcipuè, quod pro mole plus habet sanguinis & caloris. Constat id solidis & fluidis partibus. Solidæ, quasi fundamentum, fluidas excipiunt & continent. Fluidæ accedentes & decedentes labuntur usquè. Solidæ, ossa & fibræ. A fibris membranæ, tendines figurantur, ut & omne genus carnis & vasorum. Fluidæ, humor, spiritus : uterque multiplex. Humor nobilissimus sanguis, qui *αἷφι ἐξέρχεται*, quasi ditissimus *ταμίαις*, nulli non parti nutrimentum, jacturæ, quam perennem patitur, compensationem, ministrat. Sanguis non unus, suo nomine & suâ naturâ complectitur, *αἷμα, χολῆν, φλέγμα, & μέλαινα χολῆν*. Bilis *ἀκριτεστάτη* apparatus in hepate, aliquandiu condenda in cysti, vel statim committenda duodeno : humor à sanguine utilissimus. Hic omnium subtilissimus, faciliè *ἀέρηται* & *ἐξέρχεται*. Pituita, quæ *ἐν χολῇ μέλαινα* difficiliùs amovetur, vagatur ubique. Sucus melancholicus quantitate minor, naturâ occultè acidus, abdominis partes aliquas obsidet : faciliè *ὀγκύεται*, difficilè accenditur ; accensus, lues *δυσέκνηστι*. Horum humorum *δυνάμεις* *ἡρώματα, ψαύσεις, καὶ γόσεις* intelliguntur.

II.

SANGUIS duplici donatur motu : uno, quo diffluit, & partes constituentes à se invicem discedere conantur ; altero, quo contra gravitatis legem fertur sursum ad caput à corde per

arterias, ἐξ ἀκροτηριῶν per venas ad cor. Primus à spiritu humoris partes molles & lubricas incitante : alter à corporis coagmentatione, vasorum structurâ & cordis compage. Cor validi musculi & vim & naturam habens, cùm spirituum habili vigore stringitur, quem utroque sinu non omninò tenuem comprehendit sanguinem, conterit ac perficit, simulque excutit vi magnâ. Novi sanguinis accessio omnes omninò arterias concitat, pulsūque facit, qui unus, micat magis in magnis arteriis, minus in exiguis. Hac motione salutaris sanguis vitam diffundit in singulas partes. Vitam actio arguit. Actio ut fiat, debet pars legitimo humore & vitali calore affluere. Venæ non saliant, quia sanguis per cacos meatus angusto in ampliorem procedit locum. Magnis in arteriis aut venis nusquam aut rarò cunctatur, secùs ac in minoribus. Ubi itioni obex, tumorem parit diversum, pro diversis humoris dominatu. Commorans humor cogitur, dissolvitur, putret, in pus abit. Sic cumulus loci, quem occupat, fibras convellit, & dolorem facit. Hinc non accedit humor, quia dolet pars ; sed dolet, quia accessit.

I I I.

SED sanguini jam concitato celeritatem addunt Aër, Pulmo, Diaphragma, Fibrae, Musculi. Aër respirandi necessitate vesiculis pulmonis exceptus, insitâ δυνάμει ἐλαυνόμενος sanguinem, cum quo confunditur, movet. Ipse Pulmo, quem flabelli in modum ex ampliori minorem facit concidens Thorax, simul ac aëris reliquias, admistâ fuligine, expurgat, contractis vesiculis, vasa, quæ præ aliis partibus obtinet copiosa, stringit, cogitque conclusum liquorem. Diaphragma è musculorum ordine, inspiratione brevius & solidius, subjectas partes urget, atque adeò una è causis est sanguinis impulsionem promoventibus. Scilicet ut manu compressa spongia refundit intimis poris conceptam aquam ; sic ventriculus, intestina, mesenterium pressa & quasi sollicitata pellunt sanguinem, quo irrigantur. Intestina helicis in modum περιελλόμενα, arctari nequeunt, quin angustiores reddant sanguinis tubos. Hæc constrictio evidentior in fibris, quibus venæ & arteriæ mirâ arte texuntur. Fibrae velut funiculi arctius contorti, ubi à quietis loco expelluntur, majori nisu ἐξεδίνονται, & ἐξ ἑσθ' ὁρμώμεναι conclusum terunt sanguinem, & nutriendis partibus inferunt. Carnes, per quas exiliunt arteriæ & venæ vasis passis aliquantulum cedunt ; at cùm resilientibus fibris sint

3
instructæ, reprimunt tumentes canales. Omnes hæ motiones æquant ferè eam, quæ cordis est.

I V.

SANGUINIS motus facillè immutatur. Decumbente homine, faciliior est & expeditior; quia sanguis *παρά της* sustinetur. Paulò impeditior in stante; quia idem *καὶ χεῖρον*, majori eget potentiâ ad vectiorem. Aër ambiens gravior aut levior, insensibilis transpiratio impedita, aut amplior quàm par est, tarditatem affert, aut celeritatem. Idem facit inæquabilis mistio; cum bilis, pituita, succus melancholicus, pancreaticus, chylus, aut quivis humor alienâ dote præditus confunditur cum sanguine. Recens humor, si tenuis spiritum concipiat, cui admiscetur, sanguinem impellit. Levior si sit, *ἁμικτος*, illicò evolat per arterias aut venas ad arcem capitis; unde spiritu dissolutio & turbulento, *παράφρεξ*, ἢ *καὶ μετ' ἀμβλυασμῶ*, corporis titubatio, *αλλυπότης τῆς χεῖρας*. Quandoque humor intrusus, vel ex aliorum vitio enatus, ejus est naturæ, ut non misceatur; sed quasi corpus humido insidens, huc feratur & illuc, in perniciem partis, ubi consistet. Qualis ille, qui arthritidem parit. Humor mordens articulum resorbetur à vasis, nec *ζυμώσθ* cordis delinitus, in alium articulum refunditur. Quasi hic humor tundendis articulis aptus tantum esset. Sanguinem tamen & spiritus *πύγνυσι*, si invadat superiorum civitatum alteram; unde lethale *εἶδνμα*. At ut humor levitate raptus, sanguinem minus implicatum, expeditiorem reddit; sic gravitate cunctans, eundem remoratur.

V.

PLURES itaque causæ faciunt, ut sanguis moveatur. Inter eas excellit cordis incitatio. Harum actionem illustrat chyli confectio & impulsio, circa quas nullum cordis est munus. Cibis dentibus attritus, salivâ non unius facultatis subactus, musculus deglutitur. Exquisitiùs dissolutus singulari ventriculi proprietate in hærente humori, quem intimæ glandulæ subministrant, depellitur. Rudior adhuc intestinis exceptus, à bile & succo pancreatico *περμάτωσιν* habet; inde per vasa propria transfertur ad cor. Hujus morionis causâ, ventriculi & intestinorum motio. Velluntur ambo à materia colliquefacta, & contrahuntur. Sanguis in corde & pulmone perfectè elaboratus, cum bilis particula, quæ velut condimentum est, affunditur singulis partibus. Vacuæ & jejunæ præsentem excipiunt. Inanitatibus repletis, quasi satiata,

remittunt superfluum. Id fibris propriis exequuntur. Si inanitates alimenti adjectione evadant capaciores, tunc accretio est. Hæc capacitas, à mollitudine fibrarum. Cum fibræ post certam mensuram protendi desinant, desinit & accretio. Tunc legitima & naturæ lege præscripta corporis moles definitur. Partes duriores amplius recusant nutrimentum; unde idem corporis habitus. Illæ eadem exiccata, minus admittunt; unde senum caduca infirmitas. Nervorum copiosissimæ propagines, ramulos spirituum vectores, in cujusque partis constitutionem sufficiunt. Mobilissimi spiritus, motuum primi auctores, humores versant, sanguinem maximè, qui ex se iners & gravis, non potest provehi, nisi inertiam amoveatur, & superetur gravitas. Inertiam propulsat spiritus intus agitans, quo recedente, conrescit. Gravitas vincitur Cordis $\mu\omicron\chi\lambda\epsilon\iota\alpha$, Fibrarum, Musculorum, Aëris nisu.

Non ergo pellitur Sanguis solâ Cordis incitatione.

Domini Doctores disputaturi.

M. Germanus Preaux.

M. Petrus Ton;

M. Dionysius Puylen.

M. Petrus Daquin, Medicus

M. Antonius de Saint-Ton,

M. Iohannes - Baptista de

Regis perpetuo ordinarius.

Medicus Regis ordinarius.

Revelois.

M. Iohannes Cordelle.

M. Iohannes Robert.

M. Edmundus Charvrie.

Proponebat Lutetiæ PETRUS JOHANNES BURETTE Parisinus,
Baccalaureus Medicus. A. R. S. H. 1688.

P A R I S I I S,

Apud Franciscum Muguet, Regis, & Facultatis Medicinæ
Typographum.